

daß sie aber nicht darmit den zwitter hinweg fürendt / so wirt das vnderst teil des grabens mit wasen vnnnd steinen vermacher / aber die seiffner / welcher fuß bedeckt werden / mit hohen liderinen gegerbten wasserstifflen / sthendt in dem graben / vnd werffendt auß dem selbigen / die wurzlen der beumen / gftenden / kreutern / mit hülzinen seiffgabeln die sieben zacken habendt / herauf / vnnnd die zwitter / treibendt sie hinder sich zü des grabens haupt. Nach dem sie aber vier wochen an diser arbeit viel mühe vnd fleiß zü bracht habendt / so nemendt sie mitt diser weise den zwitter / den sandt mitt jm vermischer / auch mitt eiseren schaufflen hinwegt / hie vnd dort schwengendt sie ihn im wasser so lang bis der sandt auß ihm herab fließe / vnd in den graben herab falle / vnnnd allein die graupen überbleibendt / welche alle gsamlet / sie widerumb im seigertrog obsich zü mitt der hülzinen schaufflen getrieben vnnnd umbgetart wäschendt / daß der überig sandt von ihnen gscheiden werd. Darnach ghendt sie alwegen widerumb zü einerley arbeit / bis ihnen das werck manglet / oder die bäch in die graben zü treiben / nicht mögen abgleitet werden.

Derbach A. Der grab B. Die feilhauwe C. Die seiffgabel so sieben zacken hatt D. Die eiserne schauffel F. Lautertrog G. Der ander lautertrog jm vnderwo:ffen H. Die kleine hülzlin schauffel L.

Der



*[Faint, illegible text, likely bleed-through from the reverse side of the page.]*